



UNIT KORPORAT DAN PERHUBUNGAN AWAM

MAKLUMAT MBIP MELALUI AKHBAR UNTUK BULAN OKTOBER 2017

BIL.	NO. RUJUKAN	TARIKH	JENIS AKHBAR	JENIS ARTIKEL	TAJUK
1.	010-2017/001	04.10.2017	Sinar Harian	Info PBT	Selenggara CCTV tanggungjawab PBT
2.	010-2017/002	05.10.2017	Utusan Malaysia	Info PBT	Penyelenggaraan CCTV di bawah PBT
3.	010-2017/003	11.10.2017	Utusan Malaysia	Info PBT	Bantu PBT jaga alam sekitar sentiasa bersih
4.	010-2017/004	23.10.2017	Utusan Malaysia	Info PBT	Tiga inisiatif untuk PBT

RINGKASAN LAPORAN UNTUK BULAN OKTOBER 2017:

JENIS ARTIKEL	JUMLAH
ADUAN	0
INFO MBIP	0
INFO PBT	4
JUMLAH	4



MAJLIS PERBANDARAN JOHOR BAHRU TENGAH

No. Daftar : 010-2017/001
Tarikh : 04.10.2017 (Rabu)
Jenis Akhbar : Sinar Harian
Jenis Artikel : Info PBT
Tajuk Artikel : Selenggara CCTV tanggungjawab PBT

Selenggara CCTV tanggungjawab PBT

JOHOR BAHRU – Pemeriksaan dan penyelenggaraan kamera litar tertutup (CCTV) dalam kawasan Iskandar Malaysia adalah tanggungjawab pihak berkuasa tempatan (PBT).

Ketua Eksekutif Pihak Berkuasa Pembangunan Wilayah Iskandar (Irda), Datuk Ismail Ibrahim berkata, penyerahan bagi melaksana tanggungjawab itu dilakukan Irda pada awal tahun ini.

“Pemasangan CCTV ini merupakan sebahagian daripada inisiatif mewujudkan bandar pintar di Iskandar Malaysia di mana 1,500 CCTV

akan dipasang namun kita hanya dapat memasang di Iskandar Puteri dan Kulai menerusi peruntukan yang diterima dari kerajaan pusat.

“Apabila CCTV ini beroperasi ia diserahkan kepada PBT untuk menyelenggarakan dan operasi penggunaannya oleh agensi penguatkuasaan iaitu PDRM,” katanya ketika ditemui selepas Simposium Pelaburan Iskandar Malaysia 2017 di Forest City, di sini, semalam.

Ismail berkata, pemasangan CCTV di tiga lagi flagship pembangunan Iskandar Malaysia akan di-

lakukan sebaik menerima peruntukan kerajaan secara berperingkat.

Sebelum ini, Timbalan Menteri Dalam Negeri, Datuk Nur Jazlan Mohamed mempersoalkan 168 CCTV yang dihubungkan secara langsung ke bilik kawalan Ibu Pejabat Polis Daerah Iskandar Puteri yang tidak berfungsi sejak setahun lalu.

Pemasangan CCTV itu yang dimasukkan dalam Pelan Induk Keselamatan dan Perlindungan Iskandar sejak Mei 2009 oleh Irda dilaporkan gagal berfungsi kerana tidak diselenggarakan.

CCTV yang dipasang di kawasan tumpuan awam termasuk di laluan utama dalam kawasan pembangunan Iskandar Puteri itu bertujuan bagi pencegahan jenayah dan kawalan trafik (kemalangan) tidak lagi mencapai matlamat pemasangannya.

Mengikut rekod, sebanyak 1,500 CCTV akan dipasang Irda pada 2013 dalam Iskandar Malaysia yang merupakan sebahagian 8 strategi bersepadu yang digariskan merangkumi 46 program untuk kawasan pembangunan itu.



Ismail menukar MoU sempena Simposium Pelaburan Iskandar Malaysia 2017 di Forest City.





MAJLIS PERBANDARAN JOHOR BAHRU TENGAH

No. Daftar : 010-2017/002
Tarikh : 05.10.2017 (Khamis)
Jenis Akhbar : Utusan Malaysia
Jenis Artikel : Info PBT
Tajuk Artikel : Penyelenggaraan CCTV di bawah PBT

Penyelenggaraan CCTV di bawah PBT

Oleh AZIZI MAJID
utusan.johor@gmail.com

■ ISKANDAR PUTERI 4 OKT.

KERJA-KERJA pemeriksaan dan penyelenggaraan kamera litar tertutup (CCTV) dalam kawasan Iskandar Malaysia adalah di bawah tanggungjawab pihak berkuasa tempatan (PBT) dan pihak berkuasa yang berkaitan.

Ketua Eksekutif Pihak Berkuasa Wilayah Pembangunan Iskandar (IRDA), Datuk Ismail Ibrahim berkata, pihaknya telah menyerahkan tanggungjawab tersebut kepada PBT pada awal tahun ini seperti yang diarahkan.

“Pemasangan CCTV ini merupakan sebahagian daripada inisiatif mewujudkan bandar pintar di Iskandar Malaysia dengan sebanyak 1,500 CCTV akan dipasang, namun kita hanya dapat memasang di Iskandar Puteri dan Kulai dengan peruntukan munasabah yang diterima daripada kerajaan Pusat.

“Seperti infrastruktur, iaitu jalan raya yang akhirnya diserahkan kepada Jabatan Kerja Raya (JKR), CCTV ini juga perlu diserahkan untuk dimiliki dan diselenggara oleh PBT dan pihak berkuasa berkaitan,” katanya ketika ditemui pada Simposium Pelaburan Iskandar Malaysia 2017, di sini semalam.

Sebelum ini, Timbalan Menteri Dalam Negeri, Datuk Nur Jazlan Mohamed mempersoalkan kegagalan 168 CCTV yang dihubungkan secara langsung ke bilik kawalan Ibu Pejabat Po-



MENTERI Perdagangan Antarabangsa dan Industri, Datuk Mustapa Mohamed melihat buku laporan pencapaian Iskandar Malaysia yang diserahkan oleh Ismail Ibrahim (kanan) selepas Invest Iskandar Malaysia 2017 Symposium di Hotel Phoenix City, Gelang Patah, Johor, kelmarin.

lis Daerah (IPD) Iskandar Puteri yang tidak berfungsi sejak setahun lalu.

Pemasangan CCTV itu yang dimasukkan dalam Pelan Induk Keselamatan dan Perlindungan Iskandar sejak Mei 2009 oleh IRDA dilaporkan gagal berfungsi kerana tiada kerja penyelenggaraan dilakukan.

Ismail berkata, pemasangan CCTV di tiga lagi ‘flagship’ pembangunan Iskandar Malaysia akan dilakukan apabila pihaknya menerima peruntukan kerajaan Pusat secara berperingkat-peringkat.

Pemasangan CCTV ini merupakan sebahagian daripada inisiatif mewujudkan bandar pintar di Iskandar Malaysia dengan sebanyak 1,500 CCTV akan dipasang.”

ISMAIL IBRAHIM
Ketua Eksekutif Pihak Berkuasa Wilayah Pembangunan Iskandar (IRDA)





MAJLIS PERBANDARAN JOHOR BAHRU TENGAH

No. Daftar : 010-2017/003
Tarikh : 11.10.2017 (Rabu)
Jenis Akhbar : Utusan Malaysia
Jenis Artikel : Info PBT
Tajuk Artikel : Bantu PBT jaga alam sekitar sentiasa bersih



HASNI MOHAMMAD (dua dari kanan) merasa makanan yang dipertandingkan sempena Program Gerak Mesra Perdana Zon Benut, C, D & E di Pusat Komuniti Bandar, Kampung Nelayan, Benut, Johor, baru-baru ini.

Bantu PBT jaga alam sekitar sentiasa bersih

Oleh MUHAMMAD ZIKRI
utusanjohor@utusan.com.my

■ PONTIAN 10 OKT.

SEMUA lapisan masyarakat diminta membantu pihak berkuasa tempatan (PBT) menjaga dan memulihara persekitaran masing-masing bagi memastikannya sentiasa bersih.

Ahli Dewan Undangan Negeri (ADUN) Benut, Datuk Ir. Hasni Mohammad berkata, keprihatinan orang ramai mengenai aspek penjagaan kebersihan mampu mewujudkan persekitaran yang sihat bagi menjamin kehidupan yang lebih berkualiti.

Beliau berkata, persekitaran yang bersih dan selamat penting bagi memastikan penduduk bebas dari-

pada penyakit berjangkit yang boleh menjejaskan aktiviti harian mereka.

Menurutnya, Program Gerak Mesra (PGM) yang dilaksanakan bukan hanya bertujuan mengatarkan hubungan antara kerajaan dengan masyarakat, malah memberi penekanan terhadap aspek penjagaan kebersihan.

“Pada tahun ini, sebanyak 13 PGM dianjurkan oleh Majlis Daerah Pontian (MDP) di setiap zon yang melibatkan jabatan serta agensi kerajaan berkaitan,” katanya semasa menutup PGM Perdana Zon Benut C, D & E di Pusat Komuniti Bandar, Kampung Nelayan Benut, di sini kelmarin.

Yang turut hadir, Yang Dipertua MDP, Kamaluddin Jamal dan ahli-ahli majlis berkaitan.

Bagi memeriahkan program tersebut, turut diadakan pertandingan memasak, mewarna, memungut jentik-jentik terbanyak, memungut sampah terbanyak serta demonstrasi mencegah kebakaran.

Hasni yang juga Pengerusi Jawatankuasa Kerja Raya, Kemajuan Luar Bandar dan Wilayah negeri berkata, ahli-ahli majlis yang menjadi penghubung antara PBT dengan masyarakat sentiasa bersedia membantu menyelesaikan sebarang masalah yang timbul.

Dalam pada itu, beliau memberitahu, MDP telah memperuntukkan banyak perbelanjaan bagi melaksanakan program seperti penanaman pokok, menaik taraf landskap, mengindah serta menceria kawasan untuk kesejahteraan penduduk.





MAJLIS PERBANDARAN JOHOR BAHRU TENGAH

No. Daftar : 010-2017/004
Tarikh : 23.10.2017 (Isnin)
Jenis Akhbar : Utusan Malaysia
Jenis Artikel : Info PBT
Tajuk Artikel : Tiga inisiatif untuk PBT

Tiga inisiatif untuk PBT

Oleh NURUL HUDA HASSAN

utusan.johor@gmail.com

■ ISKANDAR PUTERI 22 OKT.

KERAJAAN negeri melancarkan tiga inisiatif utama bagi pihak berkuasa tempatan (PBT) sempena pelancaran Eco-Inisiatif PBT ke Arah Johor Berkemajuan peringkat negeri, di sini baru-baru ini.

Tiga inisiatif itu adalah Sistem Parking Digital, Program Pengasingan Sisa Pepejal Di Punca (SAS) dan Program Zon Bersih.

Pengerusi Jawatankuasa Perumahan dan Kerajaan Tempatan negeri, Datuk Md. Jais Sarday berkata, inisiatif itu diperkenalkan seiring dengan usaha memastikan sistem perkhidmatan awam sentiasa produktif, cekap, amah dan telus.

Menurutnya, Sistem Parking Digital diperkenalkan memandangkan aspek inovasi digital bukan lagi satu pilihan, malah menerusi kecanggihan dunia digital itu mampu merealisasikan gagasan Johor Berkemajuan dengan lebih pantas, kukuh dan mapan.



MD. JAIS SARDAY (dua dari kiri) menunjukkan biodiesel yang terhasil daripada sulingan minyak masak terpakai dalam majlis pelancaran Eco-Inisiatif Pihak Berkuasa Tempatan Ke Arah Johor Berkemajuan Peringkat Negeri Johor di Dataran Mahkota, Kota Iskandar, Johor, baru-baru ini.

“Beberapa PBT sebelum ini sudah mula memperkenalkan penggunaan sistem tempat letak kereta digital seperti dilaksanakan Majlis Perbandaran Johor Bahru Tengah (MPJBT) sebelum ini.

“Sistem tersebut kita harap boleh diperluaskan ke kawasan

PBT di wilayah Iskandar Malaysia, seterusnya ke PBT seluruh negeri ini,” katanya semasa melancarkan inisiatif berkenaan.

Ujarnya, pelaksanaan sistem itu memberi manfaat kepada hampir sejuta orang awam yang tinggal di kawasan Johor Bahru Tengah.

